

18768

371.2

S-30

u. p.

2010

FR 2001

ՏԵՂԵԿԱԳԻՐ

Թիֆլիսի Թեմական Խորհրդի
1909—1910 թ. գործունեության

371.2
Տ - 30

391.2
S-30

84/2



Տեղեկագիր Թիֆլիսի Թեմական Խորհրդի

340
2344-ՏԵ

1909—1910 թ. գործունեության

1908 թ. հոկտեմբերի 10-ին Առաջնորդարանում կայացած Թիֆլիսի թեմի պատգամաւորական ժողովը կարևոր համարեց հիմնել թեմական դպրոցական խորհուրդ՝ թեմի դպրոցական գործը ղեկավարելու Սրբազան Առաջնորդի հետ միասին: Նոյն պատգամաւորական ժողովի որոշմամբ՝ թեմական խորհուրդը պէտքէ բաղկացած լինէր եօթն անձերից և թեմի Սրբազան Առաջնորդից, որ ի պաշտօնէ պէտքէ նախագահէր խորհրդի նիստերին: Այդ եօթն անդամներից չորսին ընտրեց թեմական պատգամաւորական ժողովը, իսկ մնացեալ երեքի համար որոշեց, որ մէկն ընտրուի թեմի ծխական դպրոցների բոլոր ուսուցիչներից, երկրորդը՝ թեմի ծխ. դպրոցների բոլոր հոգաբարձուներից, իսկ երրորդը՝ Ներսիսեան դպրոցի հոգաբարձութիւնից:

Անհնարին լինելով թեմի բոլոր ուսուցիչներին և հոգաբարձուներին Թիֆլիս հրաւիրել՝ խորհրդի երկու անդամ ընտրելու համար, ընտրութիւնը կայացաւ զրաւոր ձայնաւորութեամբ և այդ պատճառով բաւականին ուշացաւ: Թեմական խորհրդի առաջին նիստը կարելի եղաւ կայացնել միայն 1909 թ. փետրուարի 20-ին՝ բոլոր անդամների մասնակցութեամբ. խորհրդի կազմը հետևեալն էր. նախագահ՝ թեմի Սրբազան Առաջնորդ Գարեգին Արքեպիսկոպոս. անդամներ 1) Բալաղեան Սամուէլ, 2) Յարութիւնեան Սամսոն, 3) Յարութիւնեան Իսահակ և 4) Տէր-Միրաքեան Յովհաննէս—թեմական պատգամաւորական ժողովից ընտրուած. (և անձնաւորականորդներ պ. պ. Աւետեան, Մալխասեան և Ռաշմաճեան): 5) Աբովեան Սարգիս—թեմի ծխական դպրոցների բոլոր ուսուցիչներից ընտրուած—6) Ղազազեան Ալէքսանդր—թեմի ծխական բոլոր հոգաբարձուներից ընտրուած և 7) Կաճկաճեան Նիկողայոս—ներկայացուցիչ Ներսիսեան դպրոցի հոգաբարձութեան:

15819

Թեմական դպրոցական խորհրդի նախագահը պատրաստ էր, սակայն անորոշ էին նրա գործունեությունը սահմանները, որովհետև ոչ մի կանոնադրություն կամ հրահանգ չկար դեռ հոգևոր բարձրագույն իշխանություն կողմից: Այս հանգամանքն ի նկատի ունենալով՝ Թեմական խորհուրդը հենց առաջին նիստում զբաղվեց այդ խնդրով և իր եզրակացությունը ձևակերպեց հետևեալ կերպով. «Թեմի դպրոցական բոլոր գործերը, որ մինչև այժմ վարում էր Թեմական Առաջնորդը, այսուհետև պետք է կատարվի Թեմական խորհուրդը՝ նախագահութեամբ Թեմի Սրբազան Առաջնորդի: Ծխական եկ. դպրոցների հոգաբարձուներին կհաստատվի Թեմական Առաջնորդը, սակայն հոգաբարձուները բոլոր դպրոցական գործերի համար պետք է դիմեն Թեմական խորհրդին»^{*)}:

Վերոյիշեալ սահմաններում տեղի ունեցաւ այնուհետև Թեմական խորհրդի գործունեությունը մինչև Նորին Վեհափառություն Մատթէոս Բ. Ամենայն Հայոց Կաթողիկոսի էջմիածին ժամանելը. օգոստոսին ստացուեց Կաթողիկոսական Տեղակալի՝ Նորին Սրբություն հրամանով տուած «ժամանակաւոր կանոնները», որտեղ մի քանի կէտերով որոշուած էր Թեմական խորհուրդների իրաւունքներն ու պարտականութիւնները:

Այնուհետև Թեմական խորհրդի առաջին գործն եղաւ մշակել կանոններ Թեմական տեսչի ասպագայ գործունեություն համար: Սակայն երբ Թեմական երկու տեսուչների ընտրութեան խնդիրն արծարծուեց՝ Թեմական խորհուրդը կանգ առաւ նիւթական խնդրի առաջ. Թեմական պատգամաւորական ժողովը ոչ մի հաստատուն եկամուտի աղբիւր չէր որոշել՝ խորհրդի ծախքերը և Թեմական տեսուչների ռոճիկները հայթայթելու համար, բացի Ներսիսեան դպրոցի հոգաբարձութեան խոստացած տարեկան 500 ռուբլուց: Այս խնդիրը լուծելու համար անհնարին լինելով Թեմի պատգամաւորական ժողով գումարելը, խորհուրդը որոշեց գտնել Թիֆլիսի ծխական դպրոցների բոլոր հոգաբարձուներին ժողովի հրավերել և նրանց հետ խորհրդակցել:

^{*)} Տես. Թեմ. խորհրդի Արձանագրություն № 1:

1909 թ. մարտի 16-ին Առաջնորդարանում կայացած Թիֆլիսի եկ. ծխ. դպրոցների հոգաբարձուների ժողովը հետևեալ եզրակացութեանն եկաւ ա. «Առ այժմ բաւականա՛նալ մէկ Թեմական տեսչով, քանի որ երկուսն ունենալու համար նիւթական միջոցներ չկան. բ. Թեմի այն բոլոր ծխական դպրոցները, որոնց տարեկան բիւջէն 500 ռուբլուց պակաս չէ, տարեկան բիւջէի 3⁰/₀ պարտաւոր են վճարել Թեմական խորհրդին. գ. միջոց ունեցող այն եկեղեցիները, որոնք ծխական դպրոցներ չունեն, նպաստ պետք է տան Թեմ. խորհրդին»:

Թեմական խորհուրդը վերոյիշեալ որոշման համաձայն՝ շրջաբերական կարգադրութեամբ պարտաւորեցրեց Թեմի այն բոլոր ծխական դպրոցների հոգաբարձութիւններին, որոնց տարեկան բիւջէն 500 ռուբլուց պակաս չէ, խորհրդին ուղարկել իրենց տարեկան բիւջէի 3⁰/₀ (որ մօտաւոր հաշուով պետք է 4000 ռուբլի լինէր): Սակայն չնայելով մէկ և կէս տարուայ ընթացքում այդ շրջաբերական գրութեան երկրորդ և երրորդ անգամ կրկնուելուն, ցայժմ միայն դրամական հաշւի մէջ յիշուած դպրոցները կատարեցին իրենց պարտքը:

Խորհուրդը տեսնելով ծխ. հոգաբարձութիւնների այս անտարբեր վերաբերմունքը՝ ստիպուած եղաւ այնուհետև չհաստատել ոչ մի դպրոցական նախահաշիւ, եթէ նրա մէջ նշանակուած չէր լինում Թեմական խորհրդին հասանելիք 3⁰/₀. սակայն այս էլ չօգնեց և նախահաշուի մէջ նշանակուած տուրքն էլ չվճարեցին՝ ոմանք առարկելով թէ չեն կարողանում նոյն իսկ ուսուցիչների ռոճիկները վճարել: Այսպիսով գտնել մի Թեմական տեսչի տարեկան 3000 ռուբլու մի երրորդն էլ չհաւաքուեց, որպէս զի խորհուրդը — ֆնացեալը յետոյ ստանալու յուսով — Թեմական տեսուչ ընտրէր. հետևանքն այն եղաւ, որ մեր դպրոցները մինչև այժմ ֆնացել են առանց անմիջական վերահսկողութեան, որ շատ վնասակար ազդեցություն ունի դպրոցական գործի կանոնաւորութեան և զարգացման նկատմամբ:

^{*)} Տես. Արձանագրություն 1909 թ. մարտի 16-ի ժողովի:

Պորհուրդը հնարաւորութիւն ունեցաւ միմիայն այն դէպքերում, երբ տարաձայնութիւնները սուր կերպարանք էին ստանում, գաւառներն ուղարկել իր անդամներին՝ դպրոցական գործերը քննելու: այսպիսով անմիջական քննութեան առնուեցան Ախալցխայի ու Ախալքալաքի (պ. պ. Աբովեան և Յարութիւնեան Իս.) Գանձակի, (պ. պ. Աբովեան և Բալաղեան) Գորուայ (պ. պ. Ղազարեան և Տէր-Միրաքեան) դպրոցական գործերը: Իսկ Թիֆլիսի ծխ. դպրոցների վերահսկողութիւնը յանձնուեց խորհրդի երեք անդամներին (պ. պ. Աբովեան, Յարութիւնեան Իս. և Տէր-Միրաքեան), որոնք տարուայ ընթացքում այցելելով այդ դպրոցները՝ տեղեկագրեր էին ներկայացնում խորհրդի նիստերին:

¹⁾ Եւ. խորհուրդը տեսնելով, որ մեր դպրոցներում պաշտօն վարող ուսուցիչներից ոչ մի ցենզ չեն պահանջում ծխ. հոգաբարձութիւնները և ամեն ցանկացող ուսուցչի պաշտօն է վարում, որոշեց կարգի բերել այդ խնդիրը և կազմեց թեմում ուսուցչութիւն անելու իրաւունք ունեցողների ցանկը՝ իբրեւ սկզբունք ընդունելով, որ ծխական դպրոցներում պաշտօնավարող դասատուները պէտք է ունենան միջնակարգ դպրոցների աւարտման վկայական՝ բացի արհեստ աւանդողներից: Սակայն աչքի առաջ ունենալով այն հանգամանքը, որ ներկայումս չունինք բաւական քանակութեամբ ուսուցիչներ միջնակարգ դպրոցների աւարտման վկայականներով, որոշուեց ժամանակաւորապէս թոյլ տալ պաշտօն վարել և այն ուսուցիչներին, որոնք թէև միջնակարգ դպրոց չեն աւարտել, սակայն երկար տարիներ ուսուցչութիւն են արել մեր դպրոցներում:

Պորհուրդը միասակար համարելով դպրոցական գործի համար՝ յաճախակի ուսուցիչներ ու ամբողջ ուսուցչական խմբեր արձակելու հանգամանքը՝ կարգադրեց, որ հոգաբարձութիւններն ուսուցչական խմբեր կամ ուսուցիչ արձակելու որոշումն կայացնելու դէպքում, նախ քան այդ որոշման իրագործելը՝ պէտք է նախապէս պատճառաբանուած բացատրութիւն ուղարկեն խորհրդին և վերջինիս որոշման համաձայն վարուեն:

Պորհուրդը մշակեց մանրամասն ցանկ այն հարցերի, որոնց պատասխանները պէտք է գրեն ծխական դպրոցների աւագ ուսուցիչները իրենց

կիսամեայ և տարեկան տեղեկագրերի մէջ և ուղարկեն խորհրդին. այդ ցանկերը տպագրուեցան և ուղարկուեցան բոլոր դպրոցներին: Ստացուած կիսամեայ տեղեկագրերից մշակուած է մի ընդհանուր տեղեկագիր Թիֆլիսի թեմի բոլոր ծխական դպրոցների 1909—1910 թ. առաջին կիսամեակի ուսումնական և անտեսական դրութեան մասին:

Ծխական դպրոցների համար ընդհանուր և պաշտօնապէս ճանաչուած ծրագրի բացակայութիւնն ի նկատի ունենալով՝ խորհուրդը դիմեց Նորին Վեհափառութեանը և խնդրեց գոյութիւն ունեցող ծրագիրներից մէկը պաշտօնապէս գործադրելու հրահանգ տալ: 1910 թ. ամառը ստացուեց Նորին Վեհափառութեան ժամանակաւորապէս հաստատած ծրագիրը և ուղարկուեց բոլոր դպրոցներին, որ անհրաժեշտ կերպով գործադրեն և դպրոցական տարուայ վերջը ուսուցիչներն ուղարկեն իրենց դիտողութիւնները գործադրուած ծրագրի մասին:

Պորհուրդը կարգադրութիւն արեց դպրոցական քննութիւնների, ուսումնական տարուայ վերջանալու ժամանակի և ամառուայ ընթացքում շուտով ուսուցչական խմբեր կազմելու վերաբերմամբ: Վեհափառ Կաթողիկոսի կարգադրութեամբ մշակեց ծխական դպրոցների համար նորմալ կանոնադրութեան նախագիծ և զբաղուեց ծխական կանոնադրութեան վերամշակման գործով: (Այս երկու հարցերը մշակելիս մասնակցել են նաև Թիֆլիսի հասարակութիւնից ձեռնհաս անձինք):

Թեմական խորհրդի գործունէութիւնն այս առաջին շրջանում չէր կարող խոչընդոտների չհանդիպել, քանի որ չկար որոշ կանոնադրութիւն և անորոշ էր դպրոցական վարչութիւնների յարաբերութեանց խնդիրը՝ թէ միմեանց և թէ խորհրդի նկատմամբ:

Այդ էր պատճառն ան, որ խորհուրդն իր աշխատանքի և ժամանակի մեծագոյն մասը գործ է դրել այդ յարաբերութեանց անվերջ թիւրիմացութիւնները պարզելու և այս կամ այն դպրոցում ծագած ներքին զժտութիւնները քննելու խնդիրներով. հոգաբարձուների և ուսուցչական խմբերի տարաձայնութիւնները, աւագ ուսուցչի և ուսուցիչների մէջ տեղի ունեցած ընդհարումները, հոգաբարձական և մանկավարժական

խորհուրդների վեճերը՝ իրենց իրաւունքների սահմանները որոշելու նըկատմամբ և այլն զրազրութեան ընդարձակ ասպարէզ էին և խլում էին խորհրդի նիստերի մեծագոյն ժամանակը: Երբ զրազրութեամբ խնդիրները չէին պարզուում և յարաբերութիւնների լարումը սպառնում էր խանգարել զպրոցական խաղաղ գործը՝ խորհուրդը իւր անդամներին էր ուղարկում տեղն ու տեղը գործը հանգամանօրէն քննելու և վերջնական որոշումն կայացնելու:

Մեր զպրոցների մեծ մասի անապահովնիւթական դրութիւնը պակաս խոչընդոտ չէ հանդիսանում. նոյն իսկ Թիֆլիսի նման հայաշատ կենդրոնում ծխական զպրոցներն աղքատ վիճակի մէջ են գտնուում և լրիւ բաժանմունքներ չեն կարողանում պահել. երկրորդ կամ երրորդ բաժանմունքներից երեխաները ստիպուած են լինում դուրս գալ և աւարտած համարել իրենց ուսումը՝ առանց ծրագրի ամբողջացման: Խորհուրդը երկար զբաղուել է այս չարիքի առաջն առնելու նպատակով՝ հրաւիրել է ծխ. հոգաբարձուներին, միջոցներ է առաջարկել, որ գոնէ իրար մօտիկ զպրոցները միմեանց մէջ կապ հաստատեն, մէկ զպրոցի բաժանմունքներին թերին միւսը լրացնէ. օրինակ եթէ երկու մօտիկ զպրոցներ միմիայն երկ-երկու բաժանմունք պահելու հնարաւորութիւն ունեն՝ մէկը թող պահէ առաջին և երկրորդ բաժանմունքները, իսկ միւսը՝ երրորդ և չորրորդ բաժանմունքները, որպէս զի առաջինի երկու բաժանմունքն աւարտողները շարունակեն միւսի երրորդ և չորրորդում և գոնէ չորսամեայ դասընթացն աւարտելուց յետոյ թողնեն զպրոցը—սակայն տարաբաղդաբար խորհրդի աշխատանքն ապարդիւն անցաւ և հոգաբարձութիւններին մէջ համաձայնութիւն չկայացաւ:

Խորհուրդը միջոց չունէր ստիպելու իրենց տարեկան բիւզջէի 3⁰/₀ չուղարկող հոգաբարձուներին՝ իրենց պարտքը կատարել, երբ դրանք զրում էին՝ թէ ուսուցիչների ուժիկները չեն կարողանում վճարել կամ թէ ծխական ժողովի որոշմամբ իրենց տարեկան բիւզջէի ոչ թէ 3⁰/₀, այլ հազիւ 1⁰/₀ էին մտցնում նախահաշուի մէջ՝ իբրեւ տուրք թեմական խորհրդին. եղել են նոյնիսկ դէպքեր, որ գիւղական հոգաբար-

ձութիւնները խորհրդից են դրամ խնդրել՝ իրենց զպրոցի ծախքերը ծածկելու համար:

Ահա այսպիսի հանգամանքներումն է գործել թեմական առաջին զպրոցական խորհուրդը:

Թեմական խորհուրդը 1909 թ. փետրուարի 20-ից մինչև 1910 թ. հոկտեմբերի 8-ը ունեցել է 59 նիստ.

ՆԵՐԿԱՅ ԵՆ ԵՂԵԼ

1) Թեմի Սրբազան Առաջնորդ և նախագահ թեմական խորհրդի՝ Գրեգին Արքեպիսկոպոս 48 անգամ (Սրբազան Առաջնորդի Թիֆլիսից բացակայ լինելու դէպքում՝ խորհրդին նախագահել է նորին Սրբազնութիւն Եփրեմ Եպիսկոպոսը:

2) Աբովեան Ս.	49 անգամ
3) Բալդեան Ս.	43 »
4) Կաճկաճեան Ն.	36 »
5) Ղազազեան Ա.	47 »
6) Յարութիւնեան Իս.	58 »
7) Յարութիւնեան Ս.	(մինչև 1910 թ. մայիսի 17) 4 »
8) Տէր-Միրաքեան Յ.	55 »

Թիֆլիսի թեմական խորհրդի դրամական հաշիւն 1908 թ նոյեմբերից
մինչեւ 1910 թ. հոկտեմբերի մէկն:



Մ Ո Ւ Տ Ք.
1908—1909.

	Ռ.	Կ.
1. Ներսիսեան դպրոցից	200	—
2. Գալիանեան օրիորդաց դպրոցից	50	—
3. Ս. Սարգիս եկեղեցու ծխական դպրոցի հոգաբարձութիւնից	20	—
4. Բանանց գիւղի ուսումնարանի հոգաբարձութիւնից	10	—
1910 թւականին		
5. Գորուայ Ախալքալաքի դպրոցի հոգաբարձութիւնից	19	50
6. Զրկինեանց եկեղեցւոյ դպրոցի հոգաբարձութիւնից	30	—
7. Կոնսիստորիայի միջոցով Ախալքալաքի դպրոց- ների հոգաբարձութիւնից	300	—
8. Հաւաքարի Ս. Կարապետ եկեղեցու ուսումնա- րանի հոգաբարձութիւնից	21	75
Գումարն	651	25

Ե Լ Ք

1908—1910 թ. հոկտ. մէկն

	Ռ.	Կ.
Խորհրդի համար բլանկներ տպելու, Թիֆլիսի թեմում ուսուցչութիւն անելու իրաւունք ունեցող ու- սուցչաց ցանկը տպագրելու, ուսումնարանական տեղեկագրերի և խորհրդի յայտարարութիւն- ները տեղական լրագրներում տպել տալու հա- մար ծախսուած է	115	48
Խորհրդի գրագրութեանց համար թղթի և հեռագիր- ների ծախս է եղել	15	50
Խորհրդի անդամներից երկ-երկու անձ Ախալքալաք, Գանձակ և Գորի գնալու համար ճանապարհա- ծախս է վճարուած	129	14
Խորհրդի 18 ամսուայ ոռճիկը	180	—
Խորհրդի 12 ամսուայ մի տարուայ ոռճիկը	24	—
	464	12



2013

ՀՀ Ազգային գրադարան



18868

NL0052591

